


The background of the image is a warm-toned wooden surface with visible grain and planks.

A
AMICOS
.org

A large blue diagonal banner across the bottom right features the word "memoria" in white script font above the year "2018" in a bold, sans-serif font.

memoria
2018





*Abre a nosa porta e
coñécenos por dentro.*



Persoas que axudamos a persoas.

Amicos
é unha asociación
dedicada ó coidado
e atención de
persoas con
discapacidade
intelectual, autismo
e parálise-dano
cerebral e das súas
familias.





Asociación Amicos, participa activamente na sociedade, xerando oportunidades de cooperación, compartindo as mellores prácticas e revindicando os cambios necesarios para unha comunidade máis inclusiva, accesible e solidaria cos seus cidadáns.





Persoas atendidas
en Amicos

257

Servizos de Emprego

Persoas atendidas en
Formación e Emprego

250

Empresas
colaboradoras

10

42

Persoas
inseridas

Servizos de Formación

Acción
Formativa

27

300

Persoas
Formadas

42

Persoas formadas
que conseguiron
emplego

A Entidade e os seus servizos



01.

un pouco
de historia

02.

onde
estamos

03.

qué
pretendemos

04.

qué
facemos

05.

noticias e
actividades



01.

un pouco de historia



Amicos xorde no ano 2000, da man dun grupo de pais e nais movidos pola necesidade de crear un centro que atendese de xeito profesional as necesidades dos seus fillos e fillas, con graves discapacidades intelectuais.

Así, tras anos de esforzos, en 2004 abría as súas portas o **Centro de Día** da Asociación Amicos, converténdose no único centro homologado pola Consellería de Familia da Xunta de Galicia na comarca do Barbanza.

Pero ese foi só o primeiro chanzo. Dende aquel 8 de novembro de 2004 producíronse outros moitos fitos arredor de Amicos.

Entre eles, a posta en marcha en 2007 dun **Centro Ocupacional**, no que se realizan actividades formativo ocupacionáis para persoas con discapacidade intelectual que lles permitan loitar pola súa inserción socio-laboral.

Xa en 2008, atendendo ás necesidades dos familiares de persoas con discapacidade menores de idade, e á gran demanda de atención directa a este colectivo, Amicos pon en marcha un **Centro Educativo**.

Esta escola, de carácter privado concertado, depende da Consellería de Educación da Xunta de Galicia.

Seguindo con esta línea, no ano 2014 pónse en marcha o servizo de **Atención Temprá**, cubrindo así a necesidade das familias, dunha unidade de atención especializada para nenos e nenas de 0 a 6 anos.

Asemade, o inicio da actividade do **Centro Residencial** supuxo a culminación dun dos nosos soños. Sen embargo, esto non constitúe unha meta, senón un paso máis no longo camiño que Amicos ten por percorrer, na procura do benestar das persoas con discapacidade intelectual.

Esta memoria pretende reflectir polo miúdo o traballo desenvolto por Amicos ó longo do pasado ano 2018.

02.


onde estamos

Zona de actuación

A nosa entidade atende fundamentalmente a usuarios e usuarias dos municipios de Riveira, Porto do Son, Pobra do Caramiñal, Boiro, Rianxo, Noia e Lousame. Malia elo, nos últimos anos aumentaron as demandas de atención dos concellos de Padrón, Pontecesures e Valga.

Noso horario

Os servizos de **atención diurna** dan atención de luns a venres en horario de 9:00h a 18:00h. Sen embargo, o **Centro Residencial** ten unha atención continuada os **365 días do ano**.



A sede de Amicos síúase no corazón da comarca do Barbanza, no concello de Boiro.



02.

onde
estamos

Mapa das zonas de actuación.



atópase na comarca do
BARBANZA
Provincia da Coruña



Contacto

✓ Centro de Atención Integral Amicos

Unidade de Rehabilitación Avanzada
Fogar Residencial
Centro de Día
Centro Ocupacional
Unidade de Formación Pre-laboral

- Lugar Comoxo 2-A,
- 15938 Boiro - A Coruña
- Tel. 981 865 716
- Fax 981 835 921
- e-mail: info@amicos.org

✓ Centro de Educación Especial Amicos

Unidade de Atención de Autismo
Unidade de Atención Especializada
Unidade de Atención Temprá

- Rúa Gándara 44, 15993
- Oleiros - Riveira
- Tel. 981 865 716
- e-mail: colexio@amicos.org



03.

qué pretendemos

O noso obxectivo primordial é proporcionarlle unha maior calidade de vida ás persoas con discapacidade intelectual e ás súas familias.

As nosas premisas
Respeto, Confianza, Profesionalidade,
Participación, Compromiso,
Igualdade, Superación,
Inclusión

03.

qué
pretendemos

Premisas

Misión:

A misión de Amicos é a de prestar servicios de apoio para conseguir que cada persoa con discapacidade intelectual, autismo, parálise-dano cerebral e as súas familias podan desenrolar o seu proxecto de vida co obxectivo de conseguir a súa inclusión como cidadán de pleno dereito nunha sociedade xusta e solidaria.

Visión:

Xerar confianza e ser recoñecida polas persoas con discapacidade, as súas familias e a sociedade como unha organización comprometida e centrada nas persoas, promovendo alianzas e cambios sociais para avanzar cara a unha sociedade máis xusta e solidaria.

Valores:

- Respeto
- Confianza
- Profesionalidade
- Participación
- Compromiso
- Igualdade
- Superación
- Inclusión



qué facemos

Recibe o teu apoio
a medida. →

Centro de Atención Integral Amicos

un GRAN EQUIPO HUMANO, composto por:

Director, subdirectora, psicólogas, traballadora social, psiquiatra, psicopedagogas, mestres, logopedas, fisioterapeutas, terapeuta ocupacional, orientadora laboral, educadores/as, técnicos de taller prelaboral, coidadores/as, técnico de integración, monitores de actividades deportivas, persoal de administración, cociñeiras, persoal de limpeza.



- **Apoio no desenvolvemento:** destinado á unidade de atención temprá, para favorecer o desenrollo de nenos e nenas de 0 a 6 anos.
- **Apoio educativo:** especializado na atención a nenos e nenas de 0 a 21 anos, dispón de unidades específicas de TEA e tamén en necesidades educativas especiais.
- **Apoio diurno:** centro de día dirixido a persoas con discapacidade intelectual con necesidades de apoio extenso ou xerenalizado, autismo e parálise cerebral.
- **Apoio prelaboral:** centro ocupacional destinado ás persoas cunha discapacidade intelectual máis leve, que presentan necesidades de apoio intermitente.
- **Apoio residencial:** centro de atención integral a persoas con discapacidade intelectual, autismo e parálise cerebral. Conta cunha área especializada para persoas con necesidades de apoio extenso, así como unha área para atención a persoas con diagnóstico dual.
- **Apoio no emprego:** proporciona ás persoas con discapacidade a posibilidade de realizar un traballo remunerado, axeitado ás súas necesidades que permita a súa integración laboral.
- **Apoio na inclusión no ocio e deporte:** programación de actividades de lecer e deportivas para os usuari@s na comunidade.
- **Apoio tutelar:** dispoñemos dunha fundación tutelar para a protección e coidado de persoas con discapacidade intelectual, orfas ou en situación de desprotección.

Apoio Educativo

O Centro Educativo especial Amicos atendeu a 25 nenos e nenas no 2018. Dependente da Consellería de Educación da Xunta de Galicia, abriu as súas portas en 2008.

Este centro de carácter privado, concertado, aconfesional e respectuoso con todas as crenzas, dispón de aulas especiais de autismo e tamén de necesidades educativas especiais.

Nesta escola dirixida ós rapaces e rapazas con idades comprendidas entre os 3 e os 21 anos, preténdese dotar ó alumnado de habilidades adaptativas e funcionais, realizando exercicios de estimulación a nivel atencional, perceptivo, sensorial e cognitivo.

Mediante a atención personalizada, e poñendo en práctica unha metodoloxía altamente participativa, promóvese un amplio abano de actividades destinadas a que aprendan a pensar, a convivir e a desenvolverse como persoas.

Oferta educativa:

- Modalidades de escolarización:

- **Completa**.- o/a alumno/a está escolarizado íntegramente no centro de educación especial.
- **Combinada**: o/a alumno/a presenta unha escolarización que combina a educación do centro ordinario co centro de educación especial, acudindo un días a un centro e outro días a outro segundo necesidades educativas.

Unidades Especializadas:

O centro conta con unidades de atención especializadas segundo as necesidades do alumno:

- Unidade específica do espectro autista.
- Unidade de atención especializada en necesidades educativas especiais.

Servizo de apoio especializado:

O centro conta con un equipo de profesionais especializados:

- Logopeda
- Psicóloga
- Fisioterapeuta
- Mestres de educación especial
- Psicopedagoga



04.

qué
facemos

Apoio Educativo

Programas específicos:

- Autonomía persoal
- HHSS
- Estimulación cognitiva e sensorial
- Intelixencia emocional
- Hidroterapia
- Xogo creativo
- Terapias alternativas, wiiterapia, aromaterapia, danza...
- Comunicación alternativa e aumentativa.

O centro tamén dispon de:

Actividades extraescolares, de reforzo continuado e estivais.



-hidroterapia-

Atención Temprá

Atención especializada
a nenos e nenas de 0 a 6 anos.

A intervención vai dirixida a **nenos e nenas de entre 0 e 6 anos**, á súa familia, e ó seu contorno, abarcando diferentes áreas.

- Área motora
- Área sensorial
- Área comunicativa
- Área perceptiva, cognitiva
- Área de autonomía persoal

Este servizo realiza en sesión individualizadas, adaptadas ás súas necesidades e seguindo unha metodoloxía centrada no aproveitamento máximo das súas posibilidades.

O principal obxectivo desta atención temprá contempla que os nenos e nenas que presentan trastornos no seu desenvolvemento, ou corran risco de padecelos, reciban, seguindo un modelo que considere os aspectos bio-psico-sociais, todo aquello que dende a vertente preventiva e asistencial poida potenciar a súa capacidade de desenvolvemento e de benestar. Deste xeito, favorecerase a súa integración no medio familiar, escolar e social, así como a súa autonomía persoal do xeito máis completo posible:

Os equipos profesionais están compostos por:

- Psicólogo
- Logopeda
- Fisioterapeuta
- Psicopedagoga
- Mestra




Apoio Diurno

O Centro de Día de Amicos atendeu no 2018 a 29 usuarios e usuarias.

Este servizo está dirixido a persoas con discapacidade intelectual con necesidades de apoio extenso ou xeralizado.

Así, mediante un amplo abano de apoios e actividades, non só se melloran as condicións de vida das persoas que padecen graves discapacidades intelectuais, senón que tamén se favorece o seu grao de autonomía, tales como os labores máis esenciais de aseo persoal, vestimenta...

O Centro de Día de Amicos conta cunha **Unidade de Apoyo Personalizado -UAP-** onde apoiamos a cada persoa a construir o seu proxecto de vida desenvolvendo planificacións nas que empregamos a combinación de actividades de benestar e o aprendizaxe por proxectos basados en valores.



Áreas desenvolvidas polo centro de día Amicos:

- Área de desenvolvemento de actividades da vida diaria.
- Área de potenciación da psicomotricidade.
- Área de estimulación cognitiva.
- Área de estimulación basal (sensorial).
- Área de linguaxe e comunicación alternativa.
- Área de control da saúde.
- Área de coidados hixiénicos e sanitarios.
- Área de autonomía persoal.
- Área de autodeterminación.
- Talleres adaptados.
- Terapia ocupacional.
- Terapias alternativas.

Apoio Ocupacional e Prelaboral

O Centro Ocupacional atendeu no ano 2018 a 18 usuarios. O Centro Ocupacional de Amicos presta atención a aquelas persoas con discapacidade intelectual que precisan de apoio de xeito intermitente.

Nesta área traballamos para que os usuarios e usuarias adquieran novas habilidades que lles permitan mellorar os seus niveis de autonomía e faciliten a súa integración laboral.

Así, ademais de incidir nestas actividades formativas-rehabilitadoras, o centro desenvolve toda unha serie de obradoiros prelaborais adaptados, destinados a que os usuarios e usuarias adquieran os coñecementos e habilidades básicas en diversas ocupacións.

Con este obxectivo, Amicos promove toda unha serie de obradoiros relacinados co sector da hostalería, manipulado, serigrafía ou a agricultura ecolóxica.

Estas son algunas das accións levadas a cabo polo noso Centro Ocupacional durante o ano 2018:

- Potenciación da autonomía persoal – autodeterminación.
- Potenciación de hábitos saudables.
- Control da saúde.
- Potenciación de actividades da vida diaria.
- Actividades creativas.
- Actividades culturais.
- Fogar escola.
- Formación adaptada a demandas laborais.
- Servicio de orientación e guía persoal.
- Apoyo postlaboral.

- Talleres prelaborais adaptados
- Taller de envasado.
- Taller de manipulado de alimentos.
- Taller de serigrafía (PUBLIAM).
- Taller de packaging.
- Bio centro.
- Eco viveiro.
- Xardinería.



Apoio Residencial

O Centro Residencial da servizo de apoio os 365 días do ano as 24h do día está dirixido a persoas con discapacidade intelectual. Conta con zonas especializadas para dar atención a persoas con necesidade de apoio extenso ou xeneralizado, garantindo unha atención persoalizada.

O Centro Residencial ofrétese como un recurso de vivenda temporal ou permanente ás persoas que necesiten unha atención integral, continuada, persoal e multidisciplinar, pero que non pode ser levada a cabo no seu medio familiar.

O Centro Residencial é un lugar de vida, un entorno de fogar rexido por uns criterios e valores onde a persoa é o centro.

Créase un espazo persoal, dende as capacidades e limitacións, de significación e intimidade no que se poida traballar o proxecto de vida elixido pola persoa, a partir dos costumes persoais e da situación anterior ó ingreso.

O lugar de vida tradúcese nun espazo capaz de xerar oportunidades de implicación da familia e da rede social, na que se poidan ofertar apoios de acompañamento nas actividades da vida diaria e no quefacer cotidiano, dende procesos de toma de decisións centrados na participación.

Queremos facer mención as actividades levadas a cabo no Centro Residencial ó longo do 2018:

- Apoyo os coidados persoais e atención individual.
- Servizos hostaleiros.
- Descanso.
- Atención especializada fisioterapia.
- Atención especializada psicomotricidade.
- Atención especializada psicoloxía.
- Servizo de saúde.
- Servizo de acompañamiento médico.
- Servizo de ocio e tempo de lecer.
- Programas de intervención co residente.
- Programas de actividades.
- Actividades funcionais.
- Actividades cognitivas.
- Actividades formativo-ocupacional.
- Actividades sociais e de participación na comunidade.



Servizos Especializados

A ampla oferta que se xunta de seguido vai destinada non só aos propios usuarios/as da nosa asociación, senón tamén na súa meirande parte a aquelas persoas que precisen beneficiarse dos mesmos.

Esta área, de carácter multidisciplinar, combina de xeito transversal e complementario o desenvolvemento de diversas actividades e tratamentos do obxectivo de prestar unha atención altamente especializada e individualizada ás persoas con discapacidade intelectual.

Así, para cada un dos seus usuarios/as confórmase un programa único e adaptado ás súas necesidades concretas, a través dos seguintes servizos:

Servizo de psicoloxía

- Actividades de estimulación cognitiva
- Actividades de estimulación sensorial
- Actividades de estimulación psicomotriz
- Reforzo de habilidades sociais
- Actividades de modificación de conducta
- Atención ao envellecemento
- Actividades de distensión e apoio familias.

Servizo de logopedia

- Patoloxía da voz - fonación e resonancia
- Patoloxía da fala - articulación e fluencia.
- Patoloxía específica da linguaxe: niveis de intervención por áreas: morfoloxía, sintaxe semántica e pragmática.
- Patoloxías derivadas de problemas auditivos, comunicación alternativa.

Servizo de rehabilitación avanzada

- Fisioterapia
- Hidroterapia
- Potenciación da psicomotricidade gropa
- Actividades deportivas
- Atención ao envellecemento



Apoio no Emprego

Proporciona ás persoas con discapacidade a posibilidade de realizar un **traballo remunerado**, axeitado ás súas necesidades que permita a súa integración laboral.

Servinserta e Servizos EIL.

No ano 2018 integráronse no mundo laboral 43 usuario@s gracias ó apoio de Amicos.

Máis aló da actividade en prol da **inserción laboral** dos seus usuarios e usuarias que Amicos desenvolve a través do seu Centro Ocupacional, a entidade é a responsable da posta en marcha de **Servinserta** (é un centro especial de emprego) e **Properdis** (unha empresa de inserción laboral que vén consolidando a súa actividade arredor dos eidos do medioambiente e as obras).

Ao longo do pasado ano, Properdis e Servinserta desenvolveron actividades destinadas a mellorar a empregabilidade das persoas en risco de exclusión social, a través dos seguintes eidos:

- Servizo de obras, construcción e reformas.
- Servizo de Xardinería.
- Servizo de limpeza.
- Traballo forestal e medioambientais.
- Construcción de invernadoiros e sistemas de rego.
- Viveirismo.
- Venda e distribución de material publicitario e de artesanía.



Apoio na Inclusión no Ocio e no Deporte

Como xa sabemos o ocio é un componente fundamental da **calidade de vida**.

Dende a nosa asociación traballamos diariamente para presentar unha gran variedade de **actividades de ocio** nas que participar tanto usuarios e usuarias como o seu entorno mais cercano.

Dende a asociación ofrecemos un amplio programa de actividades, durante a semana e o fin de semana, coa finalidade de enaltecer a vida das persoas con discapacidade intelectual, e de mellorar o seu estado emocional e físico, coa realización de determinadas disciplinas deportivas.

ACTIVIDADES DE OCIO:

Na sociedade actual debido ó traballo e ó estrés que éste produce é de vital importancia disfrutar do tempo libre. As persoas con discapacidade intelectual non distan da necesidade do seu tempo de lecer realizando as actividades que máis lles apasionan.

ACTIVIDADES DEPORTIVAS:

Tanto lograr mellorar o estado físico das persoas con discapacidade, como a adquisición de hábitos, é fundamental, xa que aumentará a súa autoestima e favorecerá a súa inclusión.

As actividades que os usuarios realizaron este ano foron:

Kempo

Futbol-sala

Baloncesto

Voleibol

Taekwondo

Senderismo



Asociaciones Colaboradoras

INTEGRADOS

É unha asociación multidisciplinar consituída por mozos e mozas traballadores/as, persoas con discapacidade intelectual, familiares e amigos de estas persoas con discapacidade intelectual con grandes necesidades de apoio. O seu principal labor é lograr que as persoas con discapacidade intelectual podan aprender e disfrutar do seu tempo libre a través do deporte, a cultura e a promoción da saúde, mellorando desta maneira a súa calidade de vida.

Actividades:

- Saídas ó cine.
- Partidos de fútbol - sala.
- Exhibición de Kempo.
- Festas populares.
- Obra de teatro lousame.
- Gala das ligas.
- Xuntanza familiar illa de Sálvora.
- Exposición Living Dinosaurs.
- Vista Castro de Baroña.
- Visita ó Parque Natural de Cabárceno.
- Campamento de verán.
- Comida de Entroido.
- Saída a Manzaneda.
- Parque multiaventura San Roque.



Asociaciones Colaboradoras

FUNDACIÓN AMICOS

A Fundación Amicos nace coa finalidade de tutelar e protexer ás persoas con discapacidade, orfas ou en situación de desprotección.

Esta organización de carácter non gubernamental, sin ánimo de lucro, créase no ano 2006 e conta con personalidade xurídica propia e plena capacidade de obrar.

A Fundación Amicos exerce a tutela de varias persoas que, por diversas causas, non contan cun familiar ou persoa cercana que poida realizar este cometido.

As actividades que realiza son:

Servizo tutelar

Servizo de curatela

Servizo de asesoría xurídica

Servizo de atención a familias

Servizo de emprego



Asociacións Colaboradoras

SERVINSETA E.I.L. (Centro Especial de Emprego)

Nace co motivo de que o mercado laboral actual está marcado pola dificultade de acceso para a mocidade a un posto de traballo. Esta barreira resulta aínda máis complexa nas persoas con discapacidade intelectual, un colectivo en grave risco de exclusión social, que precisa acompañar a súa formación de oportunidades de práctica laboral, a través das que mostrar as capacidades para desenvolver un traballo normalizado.

O obxectivo principal é a inserción laboral das persoas con discapacidade, mediante formación e asesoramento individualizados.

Ó longo deste ano realizáronse actividades adicadas a mellorar o acceso ó emprego das persoas en risco de exclusión social.

- Servizos de obras, construcción e reformas
- Servizos de xardinería
- Traballo forestal e medioambientais
- Viveirismo
- Venda e distribución de material publicitario e de artesanía.
- Servizo de bedelería.

SERVIZOS E.I.L. (Empresa de inserción laboral)

Ó longo de 2018 creáronse 14 postos de traballo para persoas con discapacidade ou en risco de exclusión.

Ó par do Centro Ocupacional de Amicos, que traballa a favor da inserción laboral dos usuarios/as, a entidade crea **Servinseta** (centro especial de emprego), que logrou a inserción laboral de 11 persoas, e **Properdis** (empresa de inserción laboral nos eidos do medioambiente e as obras).



Calidade e Formación

AMICOS conta coas seguintes certificacións:

- Amicos ten implantado un **sistema de calidade** segundo a norma **UNE-EN ISO 9001**, certificado por **AENOR** e internacionalmente por **Iqnet**.
- En 2009 ampliou o sistema de calidade (norma UNE 158201), que recolle servizos para a **promoción da Autonomía persoal e Xestión de Centro de día e noite**, certificado por **AENOR**.
- Amicos manifesta e asume o compromiso de **protección do medio ambiente**, facéndose patente o mesmo coa implantación do **sistema de Xestión Ambiental** en base ós requisitos da Norma **UNE-EN ISO 14001**, certificados por **AENOR** e internacionalmente por **Iqnet**.
- Do mesmo xeito, Amicos dispón do título de cumprimento do **Reglamento EMAS** outorgado pola Xunta (e por **AENOR**)
- No ano 2011, a Asociación Amicos aumentou o alcance da súa certificación, incluíndo na mesma á **Formación Ocupacional**.
- En 2012, 2013, 2014 e 2015 sometémonos a unha **revisión total do sistema de calidade**, continuando coas citadas certificacións.
- Os produtos do **Ecoviveiro** da Asociación Amicos están certificados polo Consello Regulador de Agricultura Ecolólica de Galicia (**CRAEGA**)
- Política da calidade e do medio ambiente de Asociación Amicos.



Calidade e Formación

A formación é crucial no desenvolvemento persoal e profesional dos nosos traballadores, ademáis de necesaria para a mellora contínua dos servizos.

Durante o ano 2018 realizamos as seguintes **accións formativas para os nosos profesionais**:

- Detención e actuación de los malos tratos en la infancia.
- Detención e abordaxe da violencia de xénero.
- Formación básica en xestión ambiental.
- Curso de Contención Mecánica.
- Patios e parques dinámicos.
- Curso de manipulador de alimentos.
- Máster en menores en situación de risco e desprotegidos.
- Curso de resolución de conflictos.
- Planificación centrada na persoa.
- Calidade de vida e dano cerebral.
- Máster en DS infantil e AT.
- Seminario sobre discapacidade intelectual e saúde mental.
- Xestión de tempo e organización do traballo.

Horas de media de formación por profesional: 63h
Profesionales de media en plantilla: 82



noticias e actividades

da Asociación Amicos no 2018

ONCE E AMICOS AFONDAN NA SÚA ALIANZA ABRINDO PORTAS NO MERCADO LABORAL.

No seu empeño de mellorar a vida das persoas con discapacidade, Amicos colabora con ducias de institucións.

De todas elas , unha das que máis e mellor axuda dende hai moitos anos é a **Fundación ONCE**. E é que, pola súa propia natureza, este orgnaismo entende mellor que ningúen as necesidades doutras asociacións de persoas con discapacidade, expandindo o seu labor asistencial máis aló da atención ós invidentes, esforzo polo que merece o noso recoñecemento e aplauso.

Así se visualizou este verán , cando presentamos en conxunto os **ursos de formación prelaboral**.

Gracias a eles, formáronse 13 membros en dous ciclos, un deles pensado para formar camareiras de piso e outro titulado “integrando a mozos con trastorno mental asociado á discapacidade intelectual”

Como gran novedade, o curso de camareira de piso incluí prácticas nun hotel, o Hotel MS de Boiro.

Oportunidade que permitiu ós sete alumnos deste curso dar un gran salto na confianza en si mesmos.



CONSTRUÍNDΟ ENTRE TODOS UNHA FESTA DA DORNA MÁIS INCLUSIVA

Un dos obxectivos de este ano foi buscar a colaboración, en busca da igualdade, dos mozos con discapacidade nos grupos de ocio más importantes da súa contorna.

Desta forma, catro membros de AMICOS axudaron na construición dunha carillana dunha das peñas más senlleiras das **Festas da Dorna de Riveira**, “As Navallas de Palmeira”.

Durante varias semanas, Marcelino, Yasin, Adrián, Manuel e varios técnicos de AMICOS traballaron na elaboración dunha fermosa tartaruga que recibiu moitos aplausos no popular “Jran Prix”.

Nesta línea, AMICOS tamén realizou dende o taller prelaboral de artes gráficas, os broches da peña “Tabeiróns Caralludos” e as camisetas das “Navallas de Palmeira”.

AMICOS agradece as oportunidades que se nos brindan, para poder realizar unha festa más inclusiva.

05.

noticias e
actividades

da Asociación Amicos no 2018

MÁIS CURSOS GRATIS PARA DARLE UNHA OPORTUNIDADE DE EMPREGO A QUEN MÁIS O NECESITA

O equipo de AMICOS ten en marcha un extenso programa de formación laboral en colaboración con la Caixa.

Algúns grupos como as vítimas de violencia machista, os parados de longa duración ou persoas con algúna discapacidade, encontran connosco unha oportunidade para atopar traballo.

É formación gratuita e especializada en áreas de máis demanda no Barbanza. Así, por exemplo, completáronse cursos de Prevención e Defensa contra Incendios Forestais (Rianxo), Ferramentas para a Busca de Emprego (Ribeira) e Prevención de Riscos Laborais (Boiro).

A iniciativa está cofinanciada polo Fondo Social Europeo e a Fundación Bancaria "la Caixa" e forma parte do Programa Operativo de Inclusión Social e de Economía Social.

Tanto na actualidade, como nos próximos meses, seguiremos traballando neste camiño.

UNHA VIAXE PARA RECORDAR. POLO CÁNTABRICO ATA CABÁRCENO

A Asociación Integrados, encargada de compartir actividades de lecer con persoas con discapacidade, organizou unha viaxe lúdica a Cantabria e Asturias a principios de verán.

Uns 20 compañeiro coñeceron localidades como Gijón, Cudillero ou San Vicente de la Barquera.

A estrela da viaxe, foi sen dúbida a excursión ó Parque da Natureza de Cabárceno, onde puideron pasar un agradable momento con animais e asistir a una exhibición de cetrería entre outras actividades.



05.

noticias e
actividades

da Asociación Amicos no 2018

SÁCANDOLLE O MÁXIMO PARTIDO O VERÁN no CAMPAMENTO DE ARCADE

AMICOS organiza todos os anos actividades de verán para axudar ás familias de persoas con discapacidade.

Así, 24 usuarios e 5 técnicos participaron durante oito días, a comezos de agosto, nun **campamento**.

A base atopábase en **Arcade**, na ría de Vigo, e todos os días houbo actividades pensadas especialmente para eles e os seus gustos.

Puideron disfrutar da Hípica ou dunha visita ó parque dos Bombeiros. Ademais, asistiron ás verbenas da zona e acudiron a establecementos de ocio nocturno. Lóxicamente, non faltou a praia e a visita turística a sitios como o **Casco Vello de Pontevedra** ou a **Illa da Toxa**.



1ª EDICIÓN DO FESTIRITITITI “O FESTI DA INTEGRACIÓN” DÍA MUNDIAL DA DISCAPACIDADE

O 3 de decembro de 2018 foi a data na que celebramos a **Primeira Edición do FestiritiTití**, “**O Festi da Integración**”, con motivo do **Día Mundial da Discapacidade**.

Contacontos, pompeiros, zancudos, música, xogos e obradoiros compoñeron o cartel de actividades, coas que nenos e nenas, con e sen discapacidade, disfrutaron dunha grande festa e dunha celebración diferente, divertida e integradora, deste día tan especial.

05.

noticias e
actividades

da Asociación Amicos no 2018

ALUMNOS DO CEEPR AMICOS CON DISCAPACIDADE VIAXAN A TURQUÍA PARA CONSEGUIR VENCER O ACOSO ESCOLAR

Catro mozos con discapacidade intelectual e tres técnicos de AMICOS viaxaron a Turquía para participar nunha **reunión internacional**. Forman parte dunha delegación de sete membros da Asociación Amicos que traballaron toda unha esta semana na cidade de Kuşadası, na provincia turca de Aydin.

Alí desenvolveuse o segundo intercambio presencias dentro do **programa Erasmus + da Unión Europea “O Cambio comeza con nós”**.

O principal obxectivo deste programa é combater o **acoso escolar** dos estudiantes con discapacidade. Nesta iniciativa internacional colaboran colectivos de atención a persoas con discapacidade baseados en cinco países: **Reino Unido, Turquía, Rumanía, Portugal e Grecia**. Ao poñer en común estratexias aplicadas con éxito nos diferentes países, as asociacións están a definir un marco de recursos prácticos para favorecer a integración nas aulas.



Erasmus+



